

Fula - Baawde Jabuura - Praying WP Psalms 2017

Jabuura 68:1(1,2) Yimre Daawuda. (2) To Jehovah ummake, konne'en maako cañkititto, wanybe mo ndoggan yeeso maako.

Jabuura 5:9,10 Ya Jawmiraawo, dowam haa mi huuwa muuyo ma, dowam ngam daliila konne'en am, mo"in laawol ma yeeso am. 10 Walaa goonga nder kundude mabbe, deedî mabbe don nufo halkere, kondondi mabbe nandi bee genaale ngaabiide. Be don mbolwa bolle belde, rikisijje.

Jabuura 7:1,2(1-3) Daawuda yimani Jawmiraawo yimre nde'e ngam daliila Kuusi Benyaminijo. (2) Ya Jehovah Jawmiraawo am, haa maada mi don dabbita hisrude, hisnam junjgo toonyoowo yam, wallam. 2(3) Taa o seekammi bana mbarooga, ngam kisnoowo yam feere woodaa.

Jabuura 11:6 O rufan ?ulbe yiite e baruudu dow hallube, o hiitoto be bee hendlu wulndu jaw.

Jabuura 18:2(3) Ya Jawmiraawo, haa maada kisanmi, a laatani yam bana tapaare, bana berniwol boo. Haa maada tawmi hisrude, ngam maajum mi don hoolo ma. A aynatam bana wawarde, an woni kisnoowo yam cembiddoo.

Jabuura 18:14(15) O fidî kuri maako, o sañkiti konne'en maako. O sakkini ma"e, o hulni be.

Jabuura 18:17(18) O hisni yam juude konne'en am sembidbe e wanybe yam fuu, burdube yam sembe.

Jabuura 18:39(40) A hokkatam sembe ngam habre, haa mi jaalo konne'en am.

Jabuura 18:45(46) Be tampan, be ngurtoto berniji mabbe bee diwngol.

Jabuura 18:48(49) o hisnatam juude wanywanybe am. An, ya Jawmiraawo, a hokkatam jaalorgal dow konne'en am, a hisnatam juude toonyoobe yam.

Jabuura 23:3 O don sembidina yonki am, o don dowammi dow laawol darnungol ngam o koolniido.

Jabuura 27:11 Anndinam laawol ma, ya Jawmiraawo, dowam dow laawol darnungol ngam daliila konne'en am.

Jabuura 31:15(16) Balde am fuu don haa junjgo ma, hisnam juude konne'en am e toonyoobe yam.

Jabuura 34:4(5) Mi tori Jawmiraawo, o jaabi yam, o rimdini yam e kulol am fuu.

Jabuura 34:7(8) Malaa'ikaajo maako don wondi bee hulbe mo, don ayna be jam.

Jabuura 34:13(14) On ngidi seyoraago ngeendam na? On ngidi juutal balde e hayru na?

Jabuura 34:17-19(18-20) To goonga'en torake Jawmiraawo, o nanan, o wurtinan be cadeele mabbe fuu. 18(19) Jawmiraawo o badiido ta"aberde'en, o wallan ittube tammunde fuu. 19(20) Fakat, goongaajo yaran boneeji duuddsi, ammaa Jawmiraawo wurtinan mo torraaji fuu.

Jabuura 35:1-8 Yimre Daawuda. Ya Jawmiraawo, hon konne'en am, a haba bee habdiddiraabe am. 2 Nañgu wawarde ma, war wallugo yam. 3 Bañtu labbo ma e fe"irde ma dow fartanbe yam, anndinam a Kisnoowo yam. 4 Dabbitoobe mbarugo yam majja, cemta. Nufaniibe yam sarru loro baawo, tosko. 5 Be laato bana nyaande nde hendu ruuynata dum, malaa'ikaajo Jawmiraawo riiwa be. 6 Laawol mabbe nyibba, mostina be bana loope kecce, malaa'ikaajo Jawmiraawo farta be. 7 Be tuufani yam tuuforgol bilaa daliila, be ngasani yam ngaska, daliila woodaa. 8 Sey halkere ukkano be, tuuforgol mabbe nañga be, be njollo nder ngaska bee ko'e mabbe.

Jabuura 35:10 Bee bernde am fuu mbi'anmi: "Ya Jawmiraawo, walaa mo nandi bee ma. A don hisna laafudo e junjgo cembiddo, talakaajo boo e junjgo jabtoowo."

Jabuura 36:7-9(8-10) Ya Jawmiraawo, hinnuye ma laatani yam kaayeefi, bibbe Aadama cuudoto haa dowdi bileeji ma. 8(9) Be kaaran nyaamduuji booddi booddi haa suudu ma, a yarnan be haa maayo mo"ere ma. 9(10) Ngeendam fuu haa maada iwi, ngam daliila jayngol ma min don ng'i'a jayngol.

Jabuura 37:5 Halfin laabi ma haa junjgo Jawmiraawo, hoola mo, kanko o timminan dum jam.

Jabuura 37:23,24 To laawol neddo fottani Jawmiraawo, nden kam o tabitinian palande maako. 24 Koo to o dimbake, o do"ataako, ngam Jawmiraawo don nañga junjgo maako.

Jabuura 37:40 Jawmiraawo wallan be, rimdinan be, hisnan be juude hallube, ngam be dabbilan hisrude haa maako.

Jabuura 39:1(1,2) Yimre Daawuda ngam Yedutuun. (2) Mi numi:"Sey mi reenta, taa mi wada hakke bee demgal am. To goddo kalludo darake yeeso am, sey mi nañta hunduko am, mi de'a."

Jabuura 41:4(5) Mi wi'no: "Ya Jawmiraawo, mi wadi hakke dow maada, ammaa hinnam jonta, nyawndam."

Jabuura 42:5(6),11(12) Ko nafata to mi uumi, to mi woyi bana non? Ndikka mi hoolo Jawmiraawo. Mi anndi mi yettan mo fahin, ngam kanko woni balloowo yam e Jehovah am. 11(12) Ko nafata to mi uumi, to mi woyi bana non? Ndikka mi hoolo Jawmiraawo. Mi anndi mi yettan mo fahin,

ngam kaŋko woni balloowo yam e Jehovah am. (Jabuura 43:5)

Jabuura 43:1 Goonđinam, ya Jehovah, timmin jokkigol am bee yimbe sooybe goongaaku, hisnam juude fewoobe e hallube.

Jabuura 44:4(5) Ya Jehovah, an woni laamiido am, hokku asŋgol Yakubu jaalorgal.

Jabuura 51:4(6) Dow maada tan mbađmi aybe, mi huwi kalludum yeeso ma. Ngam maajum a goonđudo to a hiitake yam, a walaa feloore to a do"i yam.

Jabuura 52:7 Ngam maajum Jehovah halkan ma haa foroy, o nangan ma, o wiftan ma nder suudu ma, o doofan dadi ma nder lesdi yeedbe.

Jabuura 54:7(9) A hisni yam billaaje am fuu, gite am ceyoro halkere konne'en am.

Jabuura 55:18(19) O hooratam jam e konuuji am bee konne'en am duudbe.

Jabuura 59:2 Hisnam juude huuwoobe junuuba, wallam e rufoobe yiyyam.

Jabuura 60:12(14) Ya Jehovah, to an a don wondi bee amin, min njaaloto konne'en amin.

Jabuura 63:11(12) Laamiido seyoto ngam daliila Jehovah, hunortoobe innde maako mantoto, ngam o sukkan kundude fewoobe.

Jabuura 66:3 Mbi'e Jehovah: "Kuude ma de kaayefijje. Koo konne'en ma boo leestanan ma, ngam baawde ma duudfi masin.

Jabuura 68:6(7) o hawritan dalaabe bee yimbe wodbe, o fistan habbaabe, o hokka be feesaare. Ammaa tuurtoobe njoodoto nder ladde meere.

Jabuura 68:35(36) Jehovah o kaayefijo nder haykaliiru mum, kaŋko woni Jehovah Isra'iila, o don hokka yimbe maako sembe e baawde. Ngette Jehovah!

Jabuura 70:1(2) Ya Jehovah, hisnam law. Ya Jawmiraawo, yaawda wallugo yam.

Jabuura 71:4 Ya Jehovah am, hisnam juude hallube, hisnam juude toonyoobe e huuwoobe junuuba.

Jabuura 71:13 Ukkantoobe yam, semtin be, nattin be. Yidbe naawnugo yam, yawnu be, toskin be.

Jabuura 72:12 O hisnan laafudo gookando mo, non boo torraado mo walaa balloowo.

Jabuura 76:12(13) Jehovah o kulniido caka yimbe, o leestinan mawbe, o hulnan laamiibe duniyaaru.

Jabuura 79:9 Wallu min, ya Jehovah, Kisnoowo min, ngam daliila innde ma teddunde. Hisnu min, yaafa hakkeeji amin, ngam a koolniido.

Jabuura 86:17 Hokkam alaama mboodeenga ma, haa wanybe yam ngi'a dum, cemta, ngam an, ya Jawmiraawo, a wallatam, a de'itintam.

Jabuura 91:14,15 Jehovah wi'i: "Mi hisnan dakkotirbe bee am, mi aynan

anndube yam. 15 To be torake yam, mi jaaboto be. To be billake, mi wondan bee mabbe. Mi hisnan be, mi teddinan be.

Jabuura 92:11(12) Gite am ceyori do"ere konne'en am, noppi am ceyori gookaali hallube do"aabe.

Jabuura 103:10 O warjataako en deydey hakkeeji men, o hiitataako en deydey aybeeji men.

Jabuura 104:9 A wadani dī keerol, taa dī yabbo ngol, taa dī meeta suddugo duniyaaru.

Jabuura 107:6 Nder billaare mabbe be ngookani Jawmiraawo, kanjko o hisni be cadeele mabbe.

Jabuura 118:10,12 Konne'en duudbe taari yam, mi halki be bee baawde Jawmiraawo. 12 Be taari yam bana nyaaki, bana gi'e joorde kubbaade, mi halki be bee baawde Jawmiraawo.

Jabuura 121:7,8 Jawmiraawo ayne e sarru fuu, o hisna yonki ma. 8 Koo a don wara, koo a don dilla, Jawmiraawo wondu bee ma, diga jonta haa foroy.

Jabuura 138:3 Saa'i mi ewni ma, a jaabi yam, a sembidini yonki am masin.

Jabuura 140:1(1,2) Yimre Daawuda. (2) Ya Jawmiraawo, hisnam juude hallube, aynam e toonyoobe.

Jabuura 140:4,5(5,6) Ya Jawmiraawo, aynam e juude hallube, aynam e toonyoobe nufotoobe no be ndo"irrammi. 5(6) Mawnitiibe tuufani yam tuuforli duuddi kootoy haa laawol am haa be nangammi.

Jabuura 142:6(7) Jab tornde am, ngam mi tampudo masin. Hisnam e taasnoobe yam, ngam be buri yam sembe.

Jabuura 143:9 Ya Jawmiraawo, mi don dabbita hisrude haa maada, hisnam e konne'en am.

Jabuura 147:14 O don tabitina jam nder lesdi ma, o don haerne alkamaari burndi woodugo.

Jabuura 149:6-9 Sey be ngimana Jehovah mangtooje, be njogo kaafaaje belde 7 ngam haa be mbaato heefeerbe, be kiito ummaatooje, 8 be kabba laamiibe maaje bee callalluuji, mawbe maaje boo bee kabborli njamndi, 9 be ta"ana be kiita bana ko winda. Kanjum woni jaalorgal hulbe Jehovah. Halleluya!